

1 PLATANI DE VIA DANTE A. I TACA TREMAR

29 luglio 2020

Sen i diese platani restai ncora in piè a ła banda destra de via Dante (Alighieri); nojaltri, insieme a chełatri tajai par far posto al marciapie e a ła pista ciclabile, ven ben pì de 70 ani – ormai sessante che sen a ła fine nò parché se-sie małai ma par man de ‘l omo (leži par man dei tecnici del Comune). Noaltri ven vist paśar se-pol dir tut el mondo soto; ades quando che se-vede da distante un camion gros se-scominzia a tremar. Ma fin des ła- n’è ndata drita. Se-ricorden che tanti ani fa uno in moto, su ła curva difronte al Picoło Rifugio, el- s’ha copà – magari da imbrigo. Se fuśe suces ades sarae scata el pretesto par tajarne tuti.

E se va in recia che quełi del Palaz Novo di fronte squasi a ła Casa de Riposo i- se lagna che ghe casca dos łe nostre foje opur chełaltro ch’el- se ciama B.S. ch’el-vol che i- ghe sisteme el marciapie ndove ch’el-entra che ‘l-é da sempre pien de saśi, vedarèn che a son de dai e dai sti rompi-cojoni co ła scusa de far pi bel e in ordine ła strada, i- ne farà-fora. Presto o tardi questa ła-sarà ła nostra fine. Comunque sen riuśii a resistar fin des anca col Coronavirus – tanti i-é ndati, nojaltri sen restai.

I DIESE PLATANI RESTAI